

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

PRAVILNIK
O vrsti i dodjeli priznanja Centralne izborne komisije Bosne i Hercegovine

Sarajevo, avgust 2010. godine

Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“, broj 50/07 i 33/09), Centralna izborna komisija Bosne i Hercegovine je, na 43. sjednici održanoj 12.08.2010. godine, d o n i j e l a

PRAVILNIK

o vrsti i dodjeli priznanja Centralne izborne komisije Bosne i Hercegovine

POGLAVLJE I. UVODNE NAPOMENE

Član 1. (Primjena)

- (1) Ovim pravilnikom utvrđuje se vrsta, postupak dodjele i izgled priznanja Centralne izborne komisije Bosne i Hercegovine (u daljnjem tekstu: Centralna izborna komisija BiH.).
- (2) Priznanja se mogu dodjeljivati: zaposlenim u Sekretarijatu Centralne izborne komisije BiH, izornoj administraciji, domaćim i stranim partnerskim organima i organizacijama (u daljnjem tekstu: subjekti).
- (3) Priznanja se ne mogu dodjeljivati političkim strankama i drugim političkim subjektima.

Član 2. (Svrha dodjele)

Centralna izborna komisija BiH dodjeljuje priznanje subjektima iz člana 1. stav (2) za naročito zalaganje i postignute uspjehe u izvršavanju zadataka iz nadležnosti Centralne izborne komisije BiH.

POGLAVLJE II. VRSTE PRIZNANJA

Član 3. (Vrste priznanja)

- (1) Priznanje može biti pojedinačno koja se dodjeljuje pojedincu i kolektivno koje se dodjeljuje pravnom subjektu kao cjelini ili njegovoj organizacionoj jedinici.
- (2) Priznanje iz stava (1) ovog člana se dodjeljuje u obliku zahvalnice.

POGLAVLJE III. KRITERIJI I POSTUPAK ZA DODJELU PRIZNANJA

Član 4. (Kriteriji)

- (1) Za dodjelu priznanja iz člana 3. ovog pravilnika utvrđuju se sljedeći kriteriji:
- a) izuzetno zalaganje u izvršenju zadataka iz člana 1. stav (2) ovog pravilnika prilikom izvršavanja zadataka iz člana 2. ovog pravilnika,
 - b) poseban doprinos u efikasnom obavljanju zadataka iz člana 2. ovog pravilnika,
 - c) organizacione sposobnosti u rukovođenju,
 - d) blagovremenost i tačnost dostavljenih rezultata glasanja odnosno preciznost popunjenih obrazaca,
 - e) doprinos u unapređenju rada Centralne izborne komisije BiH,
 - f) uspješna saradnja i
 - g) podrška aktivnostima Centralne izborne komisije BiH.
- (2) Prilikom utvrđivanja svakog od kriterija iz stava (1) ovog člana uzet će se u obzir obim i složenost posla.

Član 5. (Prijedlog za dodjelu)

- (1) Članovi Centralne izborne komisije BiH predlažu subjekte za dodjelu priznanja, u pisanoj formi s obrazloženjem.
- (2) Generalni sekretar Sekretarijata predlaže Centralnoj izbornoj komisiji BiH osnovne i unutrašnje organizacione jedinice Sekretarijata, rukovodioce ovih jedinica i zaposlene za dodjelu priznanja, u pisanoj formi s obrazloženjem.
- (3) Inicijativu za dodjelu priznanja može pokrenuti: jedno ili više lica, udruženja građana i nevladine organizacije.

Član 6. (Lista za dodjelu)

- (1) Na osnovu prijedloga iz člana 5. ovog pravilnika, sačinjava se lista prijedloga subjekata za dodjelu priznanja koja se dostavlja Centralnoj izbornoj komisiji BiH.
- (2) Listu iz stava (1) ovog člana sačinjava Generalni sekretar sekretarijata.

Član 7. (Odluka o dodjeli priznanja)

- (1) Na osnovu liste iz člana 6. ovog pravilnika, Centralna izborna komisija BiH donosi odluku o dodjeli priznanja sa obrazloženjem koju potpisuje predsjednica/predsjednik Centralne izborne komisije BiH.
- (2) Priznanja se uručuju na posebno organiziranoj svečanosti.

POGLAVLJE IV. OPIS I IZGLED PRIZNANJA

Član 8. (Izgled zahvalnice)

(1) Zahvalnica je izrađena na finom čvrstom bijelom papiru sa podlogom zastave Bosne i Hercegovine formata A4 na kome se u gornjem dijelu nalazi logo Centralne izborne komisije BiH, na sredini velikim slovima ispisano je „ZAHVALNICA“, a ispod velikim slovima ime i prezime odnosno naziv subjekta iz člana 1. stav (2) kojem se dodjeljuje zahvalnica. Zatim, ispisan je tekst o zahvalnosti koji sadrži tekst kriterija iz člana 4. ovog pravilnika i ispod u donjem desnom uglu se nalazi potpis predsjednice/predsjednika Centralne izborne komisije BiH.


(2) Izgled zahvalnice iz stava (1) ovog člana je prikazan na crtežu u prilogu, koji čini sastavni dio ovog pravilnika.

POGLAVLJE V. ZAVRŠNE ODREDBE

Član 9. (Stupanje na snagu)

Ovaj pravilnik stupa na snagu narednog dana od dana objavljivanja u "Službenom glasniku BiH", a bit će objavljen u „Službenim novinama FBiH“, „Službenom glasniku RS“, „Službenim novinama Brčko Distrikta BiH“ i na veb-stranici Centralne izborne komisije BiH www.izbori.ba.

Broj: 01-02-2-3471/10
Sarajevo, 12.08.2010.godine





Na osnovu člana 2. i 7. Pravilnika o vrsti i dodjeli priznanja Centralne izborne komisije Bosne i Hercegovine, dodjeljuje se

ZAHVALN

Ime Prezime

Tekst o zahvalnosti koji sadrži tekst kriterija iz člana 4.
ovog pravilnika

Sarajevo, _____ godine

Predsjednica
Irena Hadžabdić